



鈴山堂集卷第十一目錄

詩

入省十四韻

瀛洲會限韻二首

省中齋宿

省中池亭作

皇儲恩例賜給二品誥命感怍有作

臘日奉常穆公宅集會限韻

元日費林二翰長集飲

初歲於省中作

人日翰林諸寮於敝寓山池為瀛洲之會

元夜集宗伯甘泉公宅

靈谷寺

題顧中丞載酒亭圖

生日自述

觀音巖同王司馬作

西園賦贈徐六公子用陳侍講韻

暮春集鷄鳴山閣

寫真自題

送許仲貽赴舉

除夕

元日作

元日羅子印岡以詩見寄次韻答之

歲初視篆呈潘公寅長

新年鄉會

人日宋中丞讌集

侯中丞讌集

和侯中丞元夜喜晴

和顧中丞出息東郊田舍

生日效長慶體

江閣春眺

觀音山作

金山寺

贈王翁

尋方伯張公合溪隱居

憇舟九石潭下登張侯廟有作

行經傍羅江懷寄黃費二太史

廣陵往觀甘泉山精舍馬趙二戶曹携酒同酌

桓山集宴

恭聞 駕謁 長陵寄呈扈從夏公大宗伯

晚次灤縣值雨是日聞 車駕還京

潞河

通州通惠河登舟作

贈曹大叅仲禮并柬高大叅子業

鈴山堂集卷第十一

詩南銓藁

入省十四韻

升菴楊慎評點

斗極三辰峻天曹六職先官為巖石地政自 祖皇

年定鼎乾坤闢開堂水鏡懸百司存法守一敬啓心

傳堂後敬亭駑蹇慚非據鴻私荷再遷兩都仍踐歷

孤跡寡階緣天日逢 明后璠璣浼雋賢吹竽容竊

濫推轂廣登延每切循墻懼方叨泣席專敢期攀鳳

羽榮得上星躔齋閣山如畫留都境若仙簾垂鍾阜

金山堂集 卷二詩
月鴉散石城煙簿領頻多暇寅恭敢怠虔惟應論晚
節松栢誓同堅

司徒許公宅修瀛洲之會限韻二首

瀛島書傳白鶴先佳辰展席對江天官梅東閣催詩
興客舍并州感歲年嘗菓味分霜後橘烹茶香泛竹
間泉杏園繪事風流在此會他時合共傳

宣德間館閣諸老有

杏園雅集圖

肴出駝峰酒送泉新詩珠玉盡堪傳空江木落年華
晚幽樹梅開淑氣先鍾阜移尊聊此夕玉堂載筆是
何年司徒門第今韋杜時論真同尺五天

省中齋宿呈同寅潘公年丈

用先青二韻

大祀恭傳 帝命先兩人聯宿省堂年浮葭淑氣初
回瑄燔壁榮光遠燭天檻近靜移蒼檜月亭空寒浸
碧池泉連宵促席聞佳話茗碗蔬盤得共傳

蕭蕭林葉墜高庭寂寂窗燈隱幕青畫省竹松仍坐
漏紫壇冠珮盡衝星 聖明禮樂追三代薄劣遭逢
起一經清廟告成當有頌黃虞致化本無形

省中池亭作

一泓長湛鏡中天欄檻憑高得月先祗道省中持簡
牘不知窗外有林泉幽篁拂座能蠲俗老檜凌霜不

金山堂集 卷之十
記年誰信仙曹兼吏隱詩成莫遣外人傳

皇儲恩例賜給二品 誥命感怍有作

賜誥新恩出帝闈幾回榮寵到私門錦鸞織處天章
麗犀軸頌時御墨溫先世總看覃雨露微生何以答
乾坤百男萬壽吾 皇祝夜禮星垣稽首言

西蜀旬宣惟我祖簪纓餘澤到諸孫琅函錦字尚書
誥秀水鈴山世德門蓬舍儘堪容駟馬圭田元可薦
蘋繁四年兩度逢恩慶重見天光賁九原

臘日奉常穆公宅集會限韻

長安門館鳳池通幾許招尋令節同海內故交還骨

肉天涯萍跡漫西東鸞樓正借高岡樹鵬運宜搏碧
海風 聖主聰明過堯舜欲於何地獻愚忠

元日費林二翰長集飲

栢葉細傳元日酒相過喜是玉堂人他鄉對客情偏
洽帝里逢春賞更新紫禁祥煙低拂柳鳳池細水欲
含蘋年華物色看流轉珍重尊前報主身

初歲於省中作

獻歲開元祚麗景耀神京彤庭祥霧合鍾山佳氣盈
天曹肅弘敞巍閣峻且清北瞻鳩鵲觀東瞰鳳凰城
修廡儼槐栢列署映瑤瑛虛薄蒙 皇眷繆此忝持

衡歧昔繁名拮一一惟國楨蟠木詎為用華章忽濫
嬰本乏資世器幸遭休運明螢光思向日涔滴愧輸
瀛夙夜懷山甫懿德誠可經

正月七日翰林諸寮於敝寓山池為瀛洲之會
闡韻得七言近體二章

人日邀賓共草堂壑雲巖石動輝光因攀梅蕊生詩
興更藉椒花獻壽觴天近鳳池通雨露氣催鶯谷轉
春陽高才盡是雲霄望薄劣慚隨鷓鴣行

客邸長安水竹居能堪八座擁朝裾幔亭正啓神仙
宴花逕初停長者車幽洞駐雲迷紫翠碧池消雪漾

聯飄飄欲仙清虛莫嫌菲薄無供給留取新題石上詩

元夜集宗伯甘泉公宅得五言體

瑞雪南宮夜華燈共此筵絳葩燃夕艷瓊絮舞春妍
應節辛盤出留歡栢酒傳坐中皆郢曲歌詠答韶年

二

帝城春信早春園趣不稀池煙凝竹色庭雪助燈輝
楊日此與唐人竹院烟
催喚梅園雪誤春同工氣煖浮蘭醴花寒落毳衣清言歡未極玉漏轉微微

靈谷寺 二首

蓮宮青嶂合松門石逕通窈然深谷裏疑與秦人逢
澗底藏餘雪窻中列秀峰寂寞支公宅惟聞朝暮鐘

谷寺新春到山深嵐霧寒蒼松立萬壑寶塔青雲端
不覩崇官麗那知法界寬夙有煙霞好登臨寄一歡

題顧中丞載酒亭圖

紫芝題墨千年勝圖向衡山賞更新萬壑雲松一茅

屋就中疑是草玄人

元人俞紫芝題
扁文徵仲畫

松塢高眠深閉關清詞白雪落人間我欲相從迷所
適却隨芳草到春山

生日自述

童稚螢囊抱一經宦途奔逐鬢還星風雲自幸逢明

世羸病那知介晚齡寒雪暎巖松色定早春當檻柳

條青晨觴未許兒曹送追憶劬勞涕暗零

五十五年初度日他鄉踪跡尚流萍關心萬念悲身

事竊祿 三朝愧寵靈晚歲冰霜恒自保世途巖險

故曾經遲回退食江湖遠省閣鐘峯吟翠屏

觀音巖同浚川王司馬作

久懷名山遊登賞春已暮言尋紫芝約頗適滄洲趣

巉巖石抱城泯泯江流霧憇礪挹飛泉攀蘿蔭芳樹

臨川足魚鳥攬澤多蘅荏興發揮綠觴浩歌誰與晤

弱水隔煙濤蓬瀛渺天路豈無乘鶴僊雲中自來去

金山堂集 卷之四 五
人世多囂塵流光草間露嘉會良足怡轉盼已成故
何當巢雲松脫跡葆貞素

臯林媚晴春宛若綺繡錯岷江滙洪波九派悉輸約
不疊萬古磯懸崖出飛閣崖中白衣士趺坐澹虛泊
祇死遺俗氛巖花自開落俯窺群象杳仰視天宇濶
昔賢幾登臨異代不可作竭來奉佳遊轉使吏情薄
欲釣任公鰲還夢坡仙鶴青山何寥寥白石亦鑿鑿

寄謝同心侶且永今夕樂

陽曰二詩
皆有選意

西園賦贈徐六公子用陳侍講韻

幽人宴息在林園不信城闐車馬繁鏡裏芙蓉臨玉

沼煙中樓閣俯青原荒臺鳳去雲俱寂茂苑鷺啼日
自喧合有神仙來此地時占紫氣候前軒

暮春集鷄鳴山閣

勝侶携尊興不違春山高閣坐忘歸濃煙密樹深相
暎麗日澄湖迥自輝清磬乍隨僊梵遠異花時仿佛
筵飛真從畫裏看京邑更與攀蘿上翠微

寫真自題

湖海浮名山澤形漫勞圖史付丹青裴卿獨笑非冰
鑑方朔虛疑是歲星事可告天惟自信志期希古不
遑寧華簪朱紱吾何意乞取煙霞養性靈

送許仲貽赴舉

高亭擊劍酒盃深極浦維舟風雪陰積水不堪連暮
色歸鴻應是帶春音雲霄獻納升東觀泉石棲遲別
故林共道孫弘工射策莫令經術負初心

除夕作

甲午

盃湛燈明深客堂促陰浮跡笑塵忙病來漸覺形容
老靜後渾於歲月忘星斗逼簷知夜永壠畦融雪下
年康朝衣細整聽鍾漏正想氤氳漢殿香

元日作

乙未

客居鍾阜三移歲官閣梅花暖自芬欲試綵毫詩每

就重斟栢葉酒初醺春深萬戶催簫鼓霽景千峰映
雪雲竊祿自慙無寸補聖朝功德冠華勲

元日羅子印岡以詩見寄次韻答之

正元天氣兆和豐旭日卿雲瑞靄同緹室啓春回物
候玉書頒澤起疲癯侵堦細草痕微綠裛露仙桃萼
漸紅却愛巢由歌帝力康衢新詠寄南宮

歲初視篆呈潘公寅長

滌篆池冰暖開堂雪樹青春光動八極休氣協三靈
北闕垂恩露南宮聚德星同志欣寮案摠忠報帝庭
新年鄉會

金山堂集 卷之七
七
敷歷群公在吾鄉不乏賢盡簪逢帝里投轄啓春筵
栢葉隨樽細梅花鬪勝妍留懽非易得四海是堯年
人日宋中丞讌集

此日逢人好邀賓荷主賢臺霜凝畫戟庭栢近芳筵
雪擁千門曙春增萬象妍曾同杏園宴相對惜華年
侯中丞讌集

中丞今峻望南國盡稱賢楚水移家久霜臺共此筵
飲豪觴令促坐久燭花妍蓬質慚難並青松耐歲年
和侯中丞元夜喜晴

九衢華月霽燈宵 帝里韶年景自饒吳地歌聲傳

子夜漢家樓閣入煙霄三陽淑氣迎黃道四海仁風
樂 聖朝正喜中臺布時令盡看南畝事春苗

和顧中丞出息東郊田舍

息駕追風遊藝疇戒春作縑繭已眠蠶探鷺忽成鵲
林英紛委地柰此風雨惡芊綿原隰引聯絡溝塍錯
疊石群岫移誅茆數椽縛寧希金懸肘賴有田負郭
燦燦霞冠岑涓涓泉赴壑雉雉當坐隅嗥犬出叢薄
牀橫元亮琴架貯韓康藥雅志璞仍懷浮榮屣應脫
豈異子雲居草玄甘寂寞

清旦漱玉齒焚香諷道書朗吟百神衛萬遍祛災虞

金山堂集 卷之四
至人昔有語上智乃如愚谷虛神以存累遣體應舒
大隱在城市豈必侶樵漁林卧觀衆芳水木及春餘
青陽忽已暮不樂復何如覽鏡彫朱顏髮白不滿梳
興來理瑤瑟且復對浮蛆誦君東郊作吾亦賦歸歟
生日效長慶體是歲予竊祿留曹三載矣
年過半百仍加六貪戀清時未拂衣朱紱拖身官秩
貴青雲屈指故交稀遊魚在藻恩誠渥病鶴乘軒分
却非待得銓曹書滿日只應便掃故園扉

江閣春眺

冉冉松雲開閣扉冥冥煙浪遶亭磯穠花錦石春能

麗禪逕香臺賞未稀鷗鷺不驚塵事遠江山無改昔
人非靡蕪千里汴洲晚悵望征帆帶雨飛

揚曰澹泊蘊藉

觀音山作

山畔青蓮宇江間白鷺洲中天橫積翠百谷匯洪流
俗遠因成寂林深易得秋誰能來月夕吹笛起潛虬

二

千峰遙翠合九派迅流奔積氣浮潭浦殊狀變朝昏
巖幽藏綺閣蘿懸翳石門歎逝徒延竚悟寂與誰論

三

晨霽煙景豁平流淨如掌魚鳥遂飛潛舟艦相下上

金山寺集 卷之三 九
具美信難期朋宴娛春賞何當風雨冥來閱驚濤壯
金山寺登賦

披雲躋絕壑塞蘿憇石門上方孤磬發令我澄心魂
苔壁風煙古龍湫霧雨昏摩薛銘難辨開金蹟尚存
二

浴日鯨波迴含風鷲嶺孤春洲足煙雨客思渺平蕪
天影遙連海山形盡入吳復此弭蘭楫因悲芳歲徂

贈王翁楚極

方袍鶴氅白綸巾來往人間作至人借問碧桃今幾
發東風一百九迴春

海上靈山那可尋人間至藥幾時成翁能授我長生
訣便欲相隨隱姓名

尋方伯張公合溪隱居

激瀨交文渚列樹間平疇雙澗緬迴合中隱林廬幽
結駟臺省別巾車山澤游停雲思彌積伐木意相求
憇舟九石潭下同合溪方伯登張侯廟有作張
侯者南唐時將有功封侯方伯之遠祖也

靈峰開峻宇危磴俯澄灣鳥道風煙上停艫得共攀
山春谷彩媚天迴水容閒知有仙人過吟留雙樹間

二

金山堂集 卷之三
山隱張侯廟洲傳九石潭碧溪環島嶼高棟鎖煙嵐
靈旆風雲擁神輿虎豹駢千秋奉明祀遺澤在江南
行經傍羅江懷寄黃費二太史

沿沂多異狀九潭清我心巖松冠朝旭河柳變時禽
霞爛初成綺溜遠忽鳴琴知有玄豹隱求之雲霧深
冲懷結悃素一寄瑤華音

暮春廣陵往觀宗伯湛公甘泉山精舍馬趙二

戶曹携酒至同酌

地以高賢勝春逢淑景和愛山因獨往載酒得同過
周覽乾坤大幽尋水石多咏歸堪自樂鳴鳥亦成歌

二

嶽麓名非忝龜山道可宗堂軒開峻構劔履寄高蹤
壇杏有千歲江花能百重塵纓如可脫吾意會相從
題桓山馬水部張戶曹宋兵憲邀集

桓卿爲石室聞在此山間愚蹟無人問禪林客自攀
斷碑荒蘚合深洞碧蘿閒千古悲涼意斜陽獨鳥還
二

群山連積水疑望渺煙氛鹿走遙垆草龍嘘大澤雲
霸圖雄業改殊俗劔歌聞吊古情難極憑高酒易醺
恭聞 駕謁 長陵寄呈扈從夏公大宗伯

金山堂集 卷之五
松柏橋陵地千官扈 聖來騎營丹壑繞 幄殿碧山
開靈雨能隨輦 祥風不起埃 駐鞍頻賜對 獨有禮卿
才

園廟崇明祀 君王舉曠儀 侍行 慈聖喜宣旨 近
臣知霜露玄宮閔 星辰玉座移 百年今父老 驩覩漢
旌旗

晚次灤縣值雨是日聞車駕還京

松暝雨瀟瀟 公庭坐寂寥 城荒民戶少 沙曠旅程遙
渠喜通泉溜 畦憐潤麥苗 夜聞鑾輅返 魂夢繞丹霄

潞河

解裝潞河滸 豁然襟抱開 閭閻萬室聚 冠帶八紘來
塵陸今如海 黃金昔有臺 鳳城雲霧裏 瞻望氣佳哉
通州城北新 濬通惠河以達漕 粟入京免陸運
之勞是日登舟有作

昔上鞚飛塏 今來航素波 中流牽錦纜 臨泛興如何
柁轉郡樓失 蓬開山翠多 宛似吳堤上 垂楊拂櫂歌
二

一閘復一閘 牽舟莞柳陰 惠通名肇昔 疏鑿利從今
波浸城臯遠 源經苑內深 極知邦計重 真說水如金

水自內苑流出

贈曹大叅仲禮并簡高大叅子業

嶽伯中州彦文章有舅風破溟鯨力健馳野驥群空
翰死名無忝藩垣位已崇相逢仍遽別投贈意何窮

空同李子之甥也

芾鳥辭天陛旌麾指晉圻祖筵霑賜醴夙駕拂征衣
過雨關塵淨經霜隴葉飛同遊有高適知詠省中薇

鈴山堂集卷第十一

鈴山堂集卷第十二目錄

詩

丙申孟夏蒙恩以禮書兼學士領史職初入東

閣有作

奉和 聖製西苑觀蓮

聖駕朝陵歌

駕祀七陵奉勅居守京城即事有述

居守京城贈同事靖遠伯王公

曉登 長陵陪祀

宿 景陵朝房作

奉命視部篆履任奉呈桂翁少傅
攝事西陵行次舊功德寺作

西山雜詩

遣祭 皇子於西苑長春宮是夕寓宿苑中紀
述

奉和師相序翁閣中盆荷初開

被 旨待朝鮮使臣宴

侍讀屠文升奉使汴藩便道過家省覲賦贈

九月十日同浚川會桂洲宅席上次韻

元夕學士未翁宅燈宴次韻

讌餞大司徒李公於禮部次留別韻

寄朱給諫伯雨

同年張少叅兄挽詞

贈袁西園節推

贈蕭二守赴任濟寧

送進士盧木伯宰嘉興

送楊惟明

同顧學士於神樂觀賞牡丹

聽歌玉娥兒詞

和少傅相公西苑祀歸之作

和少傅相公 景神殿上香

送李正郎之廣右提學

贈用之

贈呈立赴曲江丞

送陳子新知州

和少傅相公九日邵園集飲

登報國寺閣次韻

送虞大理侍養南歸

少傅桂翁寄黃太史伯真余同作

感述

得中峯少宰書却寄之

報國寺閣餞都憲白川周公還南京

鈴山堂集卷第十二

詩 南宮蒙

升菴楊慎評點

丙申孟夏蒙恩以禮書無學士領史職初入東

閣有作

碧霄何意得重攀九轉丹成列上班金簡玉書題冊
府霧窓雲閣住蓬山擬修麟史才難稱自領冰銜夢
亦間講幄舊臣江海別濡毫猶得奉天顏

奉和 聖製西苑觀蓮絕句

匝岸緗荷萬蓋新翠華初駐綠池濱皆言今日風光

金山堂集 卷之三
好宿雨全消御路塵
水容花色競鮮新
綺榭珠樓天漢濱
正值早秋風露澹
涵空一鑑淨無塵

聖駕朝陵歌

閣道朝懸日月旗
歲隼朱鳳引文螭
橋陵霜露脩殷祀
原廟衣冠陋漢儀
沙河士馬若雲屯
萬姓環門識至尊
青天突起迎鑾殿
此地今爲駐蹕村
萬柝沉沉片月前
龍旂不動宿寒烟
起傍營門瞻北斗
休氣榮光燭遠天

山東紅門勢若蹲
登登石路入雲根
穹碑層構中天起
聖德神功萬古存

神宮鐘動啓金扉
祝帛祠官候袞衣
風靜燎凝煙靄靄
霖深松裊霧霏霏

陽翠高高萬壽宮
蜿蜒崗阜擁虬龍
瑞日乍停雙鳳輦
綵雲長護萬年松

遙望慈輿寶扇張
帷宮初進紫霞觴
聖人愛日心無倦
轉覺銅龍晝漏長

太師少傳承恩重
造膝二臣對夜分
銀璫遺賜人皆羨
前席論言世莫聞

金山堂集 卷三
駕祀七陵奉勅居守京城即事有述

鳳城樓堞隱寒空
玉帳旌麾颺曉風
新菊凝香隨步輦
靈峰積翠遶離宮
龍雲瑞氣來皇邑
霜露秋容感聖衷
芸閣侍臣勞簡命
擁旄持節愧何功

畫戟連營警衛重
翠華今夕駐行宮
朝頒璽勅綸言重
夜鎖金城節制雄
風清刻漏來天上
霜白星河遶禁中
皇德萬年同郊鼎
漢家誰數貳師功

居守京城贈同事靖遠伯王公二首

居留藉總戎簡命冠羣公
斧鉞行軍令詩書振祖風
玉鞭光指月龍劍氣成虹
迂薄欣聯事多慚衛霍功

祖尚書公驥也

白馬玉連環城廵遍九關
月臨霜仗肅風裊戍旗間
閣道星辰上橋陵霧靄間
明朝書笏記同候屬車

還

駕還京居守官致詞奉迎賜酒飯

曉登長陵陪祀

絳節霓旌擁聖君
翠崖丹壑上層雲
松林日出浮佳氣
沙塞霜飛淨遠氛
瑤草總承恩露重
黃花猶傍御爐芬
幸隨天仗觀殷祀
不向風歌數漢汾

宿景陵朝房作

六載橋陵得再攀
石房仍宿翠微間
拜瞻松柏驚時

金山堂集 卷之三
序來往風塵笑病顏
幄殿六龍頻駐輦
羽林千騎遍遮山
太平儀典今看盛
薄劣虛慚侍從班

奉命視部篆歲除日履任奉呈桂翁少傅

亭玉張筵迥袍緋
擁綬新丹霄通雨露
華省切星辰
拔擢慚非分
遭逢慶此身
所希陽道泰
明日萬方春

省中來玉亭
少傅公所題

二

南省今重入春陽
動粉闈氣隨鶯谷
轉花傍雪筵飛
齋署更新榜
廳槐過舊圍
總多耆俊在
虛薄冒恩輝

三

少傅知予久
交承分愈親
聖朝無闕典
何力繼芳塵
憇閣棠依席
尋詩鶴近人
極知三禮重
夙夜奉惟寅

四

弱冠遊文苑
載筆逐時英
敢期周典禮
仍備漢公卿
辛苦思身事
恩榮荷聖明
坐憐松雪晚
真有歲寒情

攝事西陵行次舊功德寺作

湖寺春裡到高秋
得重尋川原通遠色
巖嶂鎖寒陰
甃息塵中駕
猶憐物外心
彩雲松栢裏
長候翠華臨

二

蘋際冷風起
颯然湖上秋
遠波明島嶼
層霧隱林丘

鳥下溪田熟鍾鳴谷寺幽馳驅念于役心賞若爲酬
西山雜詩

本朝陵墓壯西山松栢神宮未可攀獨有中官奉祠
祀石房煙火翠微間

玉匣珠襦掩夜泉世人那見鶴歸年秋來十里金山
道華表參差夕照前

無窮臺殿倚山椒土價黃金向此消常侍不來僧獨
在遊人還自說先朝

澗松巖石蔭秋蘿貪看青山寺寺過歸鳥數行西日
外樹煙橫碧晚鍾多

方池湧出玉流寒耐可溶溶一鑑寬塵事驅人留不
得欲歸還復倚闌看

金代遺蹤寄草萊湖邊猶識釣魚臺沙鷗汀鷺尋常
在曾見龍舟鳳舸來

湖上閑雲對草亭蒹葭浙瀝映寒汀千峰萬壑看難
盡白鳥雙飛入翠屏

萬峰蒼翠入雲端極目江山此鬱盤地隱西湖成澤
國天開薊苑作長安

白羊山路白雲中鳥道羊腸一線通豈有胡兒能牧
馬萬年天險限華戎

楊曰絕句之難難於五七言律如此玉匣澗松湖上白羊四首

金山堂集

卷之三

五

遣祭 皇子於西苑長春宮寓宿苑中紀述

望見飛虹白玉橋水邊臺殿影青霄那知苑內來留宿月白霜清共此宵

西內新移 皇子喪禮卿臨奠捧 宸章蕙肴蘭醕

曾來享轉益 皇情一倍傷 上親製文曰遣禮卿尚致祭

繚繞看花覆玉幢瑤壇夜醮禮虛皇可憐今夕長春

殿坐聽經聲月轉廊

高殿虛廊燈燭光殘河欲沒樹蒼蒼長安萬戶曹騰裏不信蓬萊刻漏長

奉和師相序翁閣中盆荷初開是日翁六載考績

績

芙蓉香藹玉堂風麗彩還迷曉日紅天禁移根恩本異蓬山歌瑞句尤工凌波雜珮搖湘岸擎露金盤出漢宮願借碧觴留勝賞况逢黃閣奏元功 憲廟自禁中移植于此

綸閣揮毫坐水風晴花新上賜袍紅物華自解呈嘉瑞袞職惟應代帝工天上恩波涵鳳沼簾前香霧隱仙宮極知退食從容地調燮全收鼎鉉功

被 旨待朝鮮使臣宴

金山堂集

卷之三

六

金山堂集 卷之三
百伎充庭奏管絃大官供饌列芳鮮島夷職貢虔臣
節天驛恩華寵御筵寰海車書應會極 聖朝功德
正齊天微臣邦禮叨從事拜舞重歌既醉篇
五位衣裳坐 聖人殊方玉帛走蕃臣海嶠日出頒
封舊闔闔雲開獻壽新堦羽舞時知舜德衢尊斟處
荷堯仁皆言夷夏為家日同醉鈞天湛露春

皇儲大慶侍讀屠文升告賜汴藩便道過家省

覲賦贈

誕瑞元良重頒書郡國遙使旌遴玉署皇澤霈丹霄
寶服雲龍麗宸章日月昭宗藩均慶賜寰海遍歡謠

賢繼方歌啓男多競祝堯天枝千葉茂璇律萬年調
才子華簪稱詞林俊望超鳳毛呈異彩瓊樹挺清標

麾節梁園道風煙洛水橋染衣塵鬢鳴驛馬蕭蕭

汴寺連雲起河水逐帆津凌沆漭履嶽上岩堯

覽勝才能賦尋幽會屢招隴梅勻細萼渠柳變芳條

禾里山連舍江門月映潮宮袍裁畫錦壽酒注春瓢

戀別頻看劍承歡更駐輶起居榮八座封錫賁三朝

氣挾湖山動恩垂雨露饒筵開青鳥度樂奏紫霞飄

白髮仍將母青宮特簡寮禁林春色滿側耳聽回鑣

九月十日同官保浚川會少傅桂洲宅席上有

作次韻

高城過雨浮埃淨東閣留賓綺席開紫艷未呈芳節
菊黃封先出內家醅幽懷晚逕頻移榻醉眼秋山獨
倚臺退食相過應不厭共看名籍在蓬萊
還憐顏鬢三秋改悵望風煙萬里開病客未能忘野
興玉人猶喜對仙醅霜晴白鴈來沙磧日晚祥鳥下
石臺朱紱繆慙隨奉引可應重問北山萊

元夕學士未翁宅燈宴次席上諸學士韻

德星池館五雲連翠管銀罌照綺筵伶部按歌傳錦
瑟御厨分賜輟金錢夜看燈月明於晝人在蓬瀛望

若仙共喜恩波逢聖世願將歌頌答韶年

登堂頓覺消塵思獨樹梅花清傍人物色每驚遊宦
侶風光先透帝城春何郎詩興留東閣杜老醅香送
隔隣歲歲傳觴還此夕綵燈花勝鬪鮮新

仲春五日讌餞大司徒李公於禮部後堂次留

別韻

暖煙晴樹動春妍勝日南宮共此筵宗伯正同周典
禮司農新領漢縉錢金甌姓字需賢佐玉府班儀列
上仙三紀詞林今八座與公重數 孝皇年

寄朱給諫伯雨

金山堂集 卷之三
秣陵煙月歎離居長憶招邀駐筭輿塵世浮踪難自
定故人歡好已全疎尋山寺隱松蘿勝坐竹池涵几
席虛別後此心何所寄江鴻頻展八行書

同年張少叅兄挽詞

遠書昨歲渡江潮蒿里驚聞引塋簫莫話對廷弘治
日杏園前伴已蕭條

白璧青銅亦自珍暮年朱紱水雲身堂前尚有薇花
月不見當時作賦人

贈袁西園節推

昨來同駐潞河舟今去君爲嶺外遊從此向南書漸

少雲山無限水悠悠

宦情離思入風煙把酒相看各惘然今日黃金臺上
別與君重會是何年

野性自期盤谷隱誤恩重作鳳池遊因君思逐飛雲
走直到鈴山樓上頭

贈蕭二守赴任濟寧

使君出佐古名洲鉅野婁城接魯陬庭中好種甘棠
樹他日能將惠化留

鏡吹喧喧濟水頭赤旗頽帽引官舟津亭送客歸時
晚可得閒登太白樓

送進士盧禾伯宰嘉興

慷慨賈生能抗疏蕭條必令獨鳴絃琅玕貯腹應無
數留取重來侍帝前
烟水吳門暫駐撓到官准有兩程遙但教得祿爲親
養不用逢人歎折腰

送楊惟明

疋馬雙旌逐曉風楚雲湘水思無窮遙知驛路經行
處多在春山萬木中

同顧學士於神樂觀賞牡丹次韻

何處高吟對物華石林來訪地仙家桃源景勝迷行

跡日檻風亭處處花

荏苒風塵度歲華春晴下馬醉誰家官曹出郭應難
數惆悵尊前雙樹花

聽歌玉娥兒詞閣臣應制作也

玉娥不是世間詞龍艦春湖捧御卮閭巷教坊齊學
得一聲聲出鳳凰池

楊是
宮詞體

和少傅相公西苑祀歸之作

攝祀元台重乘春淑氣和苑芳花露早汀曉水烟多
稼穡勤周畷明良協舜歌欲知回袞鳥天路近星河
和少傅相公 景神殿上香

金山堂集 卷之三
片月斜明古樹蒼玉京樓閣迥含涼神輿欲降浮龍
氣寶殿初開引御香直以精誠將祀命極知趨走奉
恩光歸來彩筆題新句人世驚看五色芒

送李正郎之廣右提學

冠蓋三春別雲山百粵程草齊疑礙馬花暖欲啼鶯
簡擢儒臺重遲迴省署清相知誰復似不盡送君情
贈用之

志業平生遠發軔壯茲行過家娛彩服入郡引前旌
夕浦船依市春山柳向城楚邦民俗好應愜宦遊情
贈呈立赴曲江丞

童稚情憐硯席親雪窗螢館共悲辛那堪老至思前
事忍向天涯別故人對酒莫辭寒夜醉折梅應寄遠
江春河陽小試君休歎遙聽賢聲慰吏民

送陳子新知州

金陵共爾論文日十載重逢白髮新擢第舊傳三禮
學分符今牧兩州民青楓粵嶠鳴騶遠綠水燕河舉
棹頻南去故交知漸少題書還憶鴈聲春

和少傅相公九日邵園集飲

侯家池館閉芳園上相能來共綠尊看竹未須詢地
主結茅真擬學山村松根坐石雲隨几谷口鳴騶鶴

避軒退食自公多暇日為將歌頌答君恩
只疑風景是陶園九日閒情對菊尊綠樹籬邊斜有
逕青烟郭外近依村歌聲緩送鸞簫曲仙馭高臨紫
氣軒豈似齊山吟落照共瞻霄漢奉明恩
城東柰有辟疆園座上能虛北海尊慣見漁樵談勝
事忽驚車馬駐深村林風不厭吹烏帽瀑水尤宜落
綺軒最喜年豐禾稼熟野人含哺頌君恩

登報國寺閣次宮保未齋韻

鷲林朱閣重霄近俯見風烟接地浮金闕舩稜深隱
霧碧山紅樹迥含秋可憐車馬陵東別未羨衣冠峴

首遊人事塵勞難可到鳳城斜日重回頭

送虞大理侍養南歸

賜歸真慰北堂歡色養無心戀達官獻壽總宜萊子
服趨朝曾識惠文冠山中逸興思攀桂溪上秋芳詠
采蘭 聖主恩深閭闔遠幾回清夢憶鳴鑾

少傅桂翁寄黃太史伯真余同作

忽報遠書傳鳳閣遙憐高客臥雲山青萍綠綺誰應
惜藥圃茅堂相對閒長為風烟增悵望漫於時序感
容顏故人擬薦揚雄賦早晚重來謁帝關

感述

金山堂集 卷之三
長安滾滾化衣塵
侶逐私嗟作宦身
鴛鴦敢方燕市
駿蛾眉曾學楚
宮人謾於情事
朱絃在信有交
游白髮新玉樹
上林無限好寄
言鸞鳳莫相嗔

得中峯少宰書却寄之

越客初逢得起
居夜燈頻展八
行書故人滄海
身猶健舊德中
朝席尚虛世俗
無端還失馬碧
山多興欲焚魚
謝公自有蒼生
望旅逐無能獨
愧予

報國寺閣餞都憲白川周公還南京

來登梵閣諸天
上暫借文觴此
日留落木寒山
堪望遠踈花錦
石自宜秋風塵
荏苒催雙鬢廊
廟周旋繫

百憂已報旌旗
戒明發更攀蘿
薛寄清遊

鈴山堂集卷第十二



